

# Festa, arte, obradoiros, música, fotografía, comunidade... Acompáñanos nesta nova edición da Festa do Banquete de Conxo, contamos con vós!

## VENRES 24 maio

17.30 h «As voces do bosque». Un percorrido literario pola histórica carballeira de Conxo guiado polo editor e escritor Quique Alvarellos onde se lembrará as autoras/es que escribiron sobre o bosque ou no bosque, dende o século XII ata o XX. Adaptado a todos os públicos. Idioma. galego. Duración. 90 min aprox. Punto saída: diante da igrexa de Conxo. Inscripción. [rutabanquete@santiagodecompostela.gal](mailto:rutabanquete@santiagodecompostela.gal).

18.30 h Obradoiro de baile tradicional a cargo da Asociación Cultural Pena Maior de Marrozos. Poderanse adquirir competencias básicas no achegamento á danza tradicional galega, con acompañamento de música en directo de pandeireiras, onde se aprenderán puntos para a danza de ritmos tan populares como a xota ou a muiñeira. Actividade aberta ao público en xeral sen inscrición previa. Praza de Conxo.

19.00 h / 20.45 h SCAPE ROOM Banquete de Conxo. Aproveitando a riqueza natural que nos ofrece a contorna do Bosque do Banquete desenvolveremos esta actividade onde o noso principal obxectivo será coñecer en familia a historia e recursos naturais que o rodea. Con probas e xogos divertidos os participantes terán que demostrar os seus coñecementos sobre este fito histórico. Grupo máximo de 10 persoas por quenda (cada menor poderá acudir acompañado dun adulto). Idade recomendada de 7 a 14 anos. Inscripción desde o 15 ao 22 de maio no CSC de Conxo. Punto de partida. Carballo do Banquete de Conxo.



19.30h Obradoiro de cantos de taberna a cargo de Muiñeiros do Sarela. CSC Aurelio Aguirre de Conxo.

21.00 h Cantos de taberna nos bares do barrio. Coa participación dos grupos de Santiago Esfolladores, Colexiata de Sar, Muiñeiros do Sarela, Devagariño, Sapamamas, Son da illa, Cantamadeira e cantador@s de recandea. Os cantos terán lugar nos bares Caimán, A Chara, Alquimia, Barrigola, Marló, os Mallos, Meiga e a cantina da comisión. Actividade coordinada por Muiñeiros do Sarela.

## SÁBADO 25 maio

9.30 h /11.30 h Taller de observación de aves. Grupo máximo 10 persoas por quenda. Idade mínima 8 anos. Será preciso levar prismáticos. Non se permiten animais de compañía. Dirixido por Rosa Fernandez, bióloga e experta en fauna. Inscrición por orde de solicitude a través do correo electrónico [observacionaves@santiagodecompostela.gal](mailto:observacionaves@santiagodecompostela.gal). Punto de partida. Lagoa de Cornes.

10.00 h /11.00 h Taller de baños de bosque. Grupo máximo 16 persoas por quenda. Idade mínima 18 anos. Non se permiten animais de compañía. Dirixido por Merche Palomino, Coach corporal, guía de baños de bosque (Forest Therapy Institute) e MBSR (Mindfulness Based on Stress Reduction). Inscrición por orde de solicitude a través do correo electrónico [bosque@santiagodecompostela.gal](mailto:bosque@santiagodecompostela.gal). Punto de partida. Carballo do Banquete de Conxo.

11.00 h Ruta dos muíños. Dirixida por Patricia Fernández, directora do proxecto “Restauración río Sar”. Incluindo visita e exhibición do funcionamento do muíño do Mourullo (Multiúsos de Sar) ás 12.00 h. Punto de partida. Entrada da senda do Sar no Túnel do Camiño Francés (O Tanguero) Inscrición a través do correo electrónico [muinos@santiagodecompostela.gal](mailto:muinos@santiagodecompostela.gal).

11.00 h Carreira de orientación da Festa do Banquete. Proba non competitiva, con opcións e categorías para todas as idades e niveis e a posibilidade de realizar a proba de xeito individual ou grupal, favorecendo a participación de familias. A carreira transcorrerá polos terreos do propio bosque do Banquete. Actividade de balde con inscrición previa a través de [www.xestanatureza.com](http://www.xestanatureza.com)



13.00 h Concerto de Boa Sunet. Banda residente no Centro Xove da Almáciga, formada por Pablo Rodríguez (guitarra), Alejandro Neira (teclado evoz), Brais Quintá (baixo e voz) e Mercè Palacios (saxo). Praza de Aurelio Aguirre.

18.00 h “Libros, mente e saúde”. Mesa redonda. Conducida por Rosa Cerqueiro Landín, psicóloga clínica no Hospital Psiquiátrico de Conxo e coa participación de Xurxo Alonso, Antía Yáñez e Montse Fajardo. Autores/as e profesionais debaterán sobre saúde mental utilizando como fío condutor os traballos literarios recentemente editados. *Cartas de Conxo* de Xurxo Alonso, *Rotas* de Montse Fajardo e *No pienses en un elefante rosa* de Antía Yáñez. Claustro do Hospital Psiquiátrico de Conxo.

18.30 h Circanelo da compañía N+1. Actuación para público familiar na praza central de Conxo. (Programación do Mercado do Libro)

19.00 h Canto Fraternal. Coa participación do Coro do Psiquiátrico de Conxo dirixido por Ángel Casillas; Coro Santa Susana dirixido por Marcos Mato Collazo; Coro de Habaneras Rocha Forte dirixido por Sebastián Fernández Tapia; Coro Crecente de Voces Graves dirixido por Francisco Xavier Freire Chico; Coro Amigos do Castiñeiriño dirixido por Iolanda Eiras: Grupo Pena Maior de Marrozos dirixido por Ana Tejo e Orfeón Tradicional da Colexiata de Sar dirixido por María Xosé López. Escalinata do Hospital Psiquiátrico de Conxo. Conduce. Manuel Abraldes Director do Coro Encaixe

21.00 h A Festa da Poesía . Conducida por Lorena Conde. Coa participación musical de Filloas, Ash Diz e C Mirazo e as poetas Sara Porto Puente, Diana Kurich, Branca Trigo e Marta Dacosta. Praza de Aurelio Aguirre.

## DOMINGO 26 maio

11.00 h “Alá van estudantes e artesás”. Desfile teatral desde a praza do Tournal até Conxo. Dirixen. Os Quinquilláns. Participan. Os Quinquilláns, Brigadas Teatrais de Catoira, As Superactivas do CSC de Santa Marta, Teatro do Muíño (Laraño), Teatro do Solpor (Vite), Clube Mozo e Veciñanza Activa do CSC Aurelio Aguirre de Conxo, Teatro Mediogüevo, Asociación Aspas, Mercedes Espiño, música de rúa Os Farrapos, Coro A Oliveira, Grupo de Teatro da Casa da Muller do Couto. Acompañamento musical de Luís, O Caruncho.



12.00 h Concerto Let's folk! do grupo Suzukiños. Jigs, muiñeiras, pasodobres, temas folk irlandeses, galegos e celtas da man dos Suzukiños, banda na que participan nenos/as de violín, viola e violonchelo que están desenvolvendo a súa traxectoria musical con Método Suzuki da escola En Clave Método Suzuki. Praza de Aurelio Aguirre.

12.45 h Pregón da Festa do Banquete a cargo de María Luísa López Otero, veciña de Marrozos. Praza de Conxo.

13.00 h “Baixamos ao bosque do Banquete” Continuación do desfile teatral até a carballeira de Conxo. Os Quinquilláns acompañados polo grupo Os Fondaos do Pífarro, Os Gaiteiros de Conxo e diversos colectivos.

14.00-19.00 h Fotocol. Mosaico de Conxo.

14.15 h Benvida e recreación teatral do Banquete de Conxo. Os Quinquilláns. Carballeira de Conxo.

15.00 h Xantar e romaría popular, con brindes de veciñas e veciños. Carballeira de Conxo.

16.30-19.00 h Pasarrúas e espectáculo “Transhumancia sonora” de Paporrubio. Carballeira de Conxo.

Un grupo de simpáticos animais “cabezudos” formado por un porco, unha vaca e un burro van acompañados de dous músicos ao longo dun percorrido por entre os asistentes ao Banquete.

Instalación e animación con Xogos Paporrubio . xogos autónomos e animados de temática agraria, que nos dá a coñecer un dos paxaros máis pequenos, rebuldeiros e cantaruxeiros da nosa fauna e que este ano nos acompaña na nosa Festa do Banquete como principal protagonista.

17.00 h Serán da fraternidade. Foliada de música tradicional con Os Fondaos do Pífarro, Devagarinho de Villestro, Asociación de Música e Baile tradicional de Conxo, Grupo de Cantos de Taberna Contedores de Recandea, Muiñeiros do Sarela e Asociación Pena Maior de Marrozos. Carballeira de Conxo.

19.30 h Despedida da Festa do Banquete 2024 e convite á seguinte edición. Discursos a cargo de Os Quinquilláns e pregón de peche a cargo da cineasta Jaione Camborda.

20.30 h Chocolatada e concerto de peche de O SONORO MAXÍN. Praza de Aurelio Aguirre. (Programación do Mercado do Libro)



## COMO PARTICIPAR:

- No desfile teatral de estudantes e artesáns do domingo 26 de maio da praza do Toural a Conxo.
- Na romaría popular xantando na Carballeira a comida que traías da casa ou merques nas polbeiras que atoparás no Camiño da Lavandería. Anímate a vir vestido de época.
- No Serán da Fraternidade, tamén o 26 de maio, aberto á música e ao baile tradicional. Acude co teu grupo de música ou baile.
- Como persoa voluntaria na Festa do Banquete. Podes achegar a túa solicitude a través do correo electrónico: [voluntariadobanqueteconxo@gmail.com](mailto:voluntariadobanqueteconxo@gmail.com)
- Participando coa tua visión particular no 1º CERTAME FOTOGRÁFICO DO BANQUETE DE CONXO.

O Concello de Santiago de Compostela organiza o 1º Certame Fotográfico do Banquete

de Conxo co obxectivo de fomentar a creatividade e poñer en valor a cultura e o patrimonio da cidade de Santiago de Compostela, así como a celebración da festa do Banquete de Conxo a través da fotografía.

O tema principal do certame é a propia festa do Banquete de Conxo, incluíndo os seus costumes, vestimenta, detalles, paisaxes e calquera outro aspecto que reflecta a esencia desta celebración.

Valórase a orixinalidade fotográfica e a proposta creativa.

Recepción de imaxes desde o 27 de maio ata o 31 de maio. Máis información [AQUÍ](#).



# TREN DO BANQUETE DE CONXO

Percorrido especial gratuíto do tren turístico, decorado para a ocasión. Traslados de balde entre a Alameda, no centro da cidade, e o barrio de Conxo. (Prioridade para familias con nenas/os, persoas con mobilidade reducida e persoas vestidas de época).

## DATAS E HORARIOS

- Sábado 25 maio.

Circulará de 11.00 a 14.00 h e de 17.00 a 21.00 h coas seguintes saídas.

Alameda (av de Xoán Carlos I, parada bus urbano a carón igrexa do Pilar) – Conxo (praça do mosteiro; diante zona bares) ás 11.00, 12.00, 13.00, 17.00\*\*, 18.00\*\*, 19.00\*\* e 20.00\*\* h.

Conxo (praça do mosteiro, entre cruceiro e parterres con fotinias) – Alameda (av de Xoán Carlos I, parada bus urbano a carón escalinata acceso Carreira do Conde) ás 11.30, 12.30, 13.30, 17.30\*\*, 18.30\*\*, 19.30\*\* e 20.30\*\* h.

- Domingo 26 maio.

Circulará de 10.30 a 14 h. e de 17.00 a 21.00 h, coas seguintes saídas (ás horas en punto da Alameda e das horas e media de Conxo).

Alameda – Conxo ás 11.00\*\*, 12.00\*\*, 13.00\*\*, 17.00, 18.00, 19.00 e 20.00 h.

Conxo – Alameda ás (10.30\*), 11.30\*\*, 12.30\*\*, 13.30\*\*, 17.30, 18.30, 19.30 e 20.30 h.

*\*\*Percorridos amenizados pola Agrupación de Música Tradicional Pena Maior de Marrozos*

